

Naan in Kamool jen Oregon OSHA im OHA kin kein kalbubu māj N95, KN95, im P100

Armij ro rej bed inabōj remaroñ lōmnak aer ekōnak kein kalbubu māj ñan kejbarok ār ko aer jen baat ko rej walok jen kijeek in mar ko. Kein kalbubu māj ko remaroñ kōmman aṃ eñjaak kwōj kejbarok eok ak ejab mool elañe ejab kwōn am kelete, kajimweik, im kōjerbale. Ewōr jet men ko kwōj aikuj jelā elañe kwōj lōmnak am kōnake juon kein kalbubu māj:

- Jab kōjermal kein kalbubu māj an taktō in mwijmwij ko, lokwar bar, im kein kalbubu māj ko jet rekkā. Men kein rejañin kwalok ke rej bōbrae jen aṃ kebaak baat.
- Elōñ kein kalbubu māj rej make wōt ñan bōbrae aṃ kebaak baat eo. Ewōr joñan ko kwōj aikuj lōmnak kaki ilo ien aṃ kelet elañe kwōj aikuj kōjembali.
 - Armij ro rej ekōnak rej aikuj kelet juon kein kalbubu māj eo ekwōn ñan lolorjak an kwōn an kilōk aoleben tōrerein mejeir. Burokraam in Jerbal in Ejmour im Kejbarok ej lelok jelālokjen im jibañ ñan jibañ bwe en jimwe aṃ [kōjermal kein emenono](#).
 - Joñan kwōn eo an kein jibañ emenono eo aikuj teej ñan lolorjak ke ejellok tōtal aoleben ijoko itōrerein. An wōr tōtal ñan mejatoto ej melelein ke kwōj maroñ wōt kebaak baat.
 - Kwōdeak ko remaroñ kōmman an kein kalbubu māj eo jab kwōn.
 - Kejbarok eo aer kelet ñan juon “kein jibañ emenono jen mōttan jidik” emōj kakōlleiki kin naan eo “NIOSH” im ñe ejab “N95” ak “P100” ioon kilin.
 - Kein jibañ emenono N95 rej kejbarok jen mōttan jidik ko rej bed ilo baat, rejab kejbarok armij ro rej ekōnak jen kiaj ko rebaijin im rej bed ilo baat jen kijeek in mar relab.
 - KN95 ko rebed ilo [laajrakin men ko emōj an FDA kōmelim](#) - im ejejjet aer kwōn - innem Oregon OSHA ej tōmak, ilo tōre in, remaroñ ekkar aer jermal ñan jermal inabōj ilo ien joñan ettoonin mejatoto ejab emman ñan ejmour ak enanalok.

- » Kōjērbal kein jibañ emenono ko NIOSH ejañin kōmelim emaroñ kōmman inebata kin an wōr bōd in loor kakien in jērbal. Oregon OSHA ejab inebata kin men in, kin an walok idiñ baat jen kijeek in mar eo elab. N95 ko rej bin wōt elolo, im ewōr KN95 ibben state eo ñan aer kaju ajej ñan rijērbal ro remōjno im ewōr wōt katmāne ñan aer aikuj jērbal.
- » Ro ewōr aer kajitōk kin ekōnak kein kalbubu māj ilo jikin jērbal rej aikuj kebaak jikin jērbal eo aer, ak OSHA Oregon ilo <http://osha.oregon.gov>.
- Armij ro ewōr kadede aer nañinmij rej aikuj kenono ibben taktō eo aer, mokta jen aer kōjērbal kein jibañ emenono N95 ak P100. Armij eo ej kōnake emaroñ loe ebin an emenono ilo ien an kōnake kein kalbubu māj eo. Wewein aer emenono emaroñ lablok an bin ñan ro ewōr aer nañinmij in menono im ār.
- Kein jibañ emenono rot eo remaroñ karreo mōttan jidik in baat ko rej kōmman jorren ejellok ñan joñan ajiri.

An maroñ loe beba in: ñan kajojo armij ro im elōñ aer utamwe ak armij ro im rejelā juon kajin ejab Kajin Belle, OHA emaroñ lelok mejeje ko ilo wāween ko jet einwōt ukok ko, jeje kilep, ak jeje ko an ri-bilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsosha.state.or.us.